

He Wehewehe no ka Ho‘opihapiha Pepa Noi Komo no ka
Papahana Kēkelē Laeo‘o no ka Ho‘ona‘auao ‘Ōlelo a Mo‘omeheu ‘Ōiwi

PAPA HELU

- Ka Palapala Noi Komo Kulanui no ka Mulipuka
- Ke kāki noi komo he \$50
- Ka leka noi komo (e nānā ma ka ‘ao‘ao 2)
- Ka mo‘omō‘ali kaha kulanui (na ke kulanui e ho‘ouna pololei mai ma ka leka pa‘a)
- Nā leka kākō‘o he ‘ekolu (na ke po‘okumu o kou kula i hana ai kekahi o ia mau leka)
- Ka Palapala Hō‘oia Hana
- Nā kaha GRE [UH Hilo: 4869]
- Ka Nīnauele

No nā Haumāna ‘Āina ‘Ē:

- Ke kaha hō‘oia puka no ka hō‘ike TOEFL
- [Ka palapala hō‘oia pu‘u kālā](#)

Ka lā palena pau no ke noi komo ‘ana:

01 Pepeluuli

KA PAPA HANA

He papahana ho‘omākaukau ka papahana M.A. Ho‘ona‘auao ‘Ōlelo a Mo‘omeheu ‘Ōiwi i ka po‘e e a‘o ana i ka ‘ōlelo a me ka mo‘omeheu ‘ōiwi, e la‘a me nā kumu kula, nā po‘okumu, nā laekahi kumuwaiwai mo‘omeheu ‘ōiwi, a me ia ‘ano aku ia ‘ano aku o ka po‘e a‘o ‘ike ‘ōiwi. He papahana ho‘i e ho‘olako ana i nā kumuwaiwai e na‘auao ai i ka ‘ōlelo a me ka ‘ike mo‘omeheu ‘ōiwi. Pūpūkahi ho‘i ko Ka Haka ‘Ula o Ke‘elikōlani, ko Kahuwaiola, ko ka Hale Kuamo‘o, ko ka ‘Aha Pūnana Leo, a me ko nā kula ho‘okolohua M-12 i “‘au umauma ‘o Hilo i ka wai.”

He ala hana maoli ko ka M.A. Ho‘ona‘auao ‘Ōlelo a Mo‘omeheu ‘Ōiwi; ‘a‘ohe ala kākau pepa noi‘i i kēia wā ‘ānō. Koi ‘ia kēlā a me kēia haumāna M.A. e komo pū ma ka Papahana Ho‘omākaukau Kumu ‘Ōiwi ‘o Kahuwaiola. Ma ka ‘ōlelo nui ‘ana o ka haumāna M.A. i ka ‘ōlelo Hawai‘i i kēlā lā kēia lā ma ka papa e mākaukau ai ke a‘o ma ka pae ki‘eki‘e ma hope aku. E wehe ana ke koleke i ala kālā‘ike/pepa noi‘i, ke ‘oi aku ka nui o ka hale koleke, no nā haumāna e makemake ana e hana i ke kēkelē laeo‘o ma kā lākou mau ‘ōlelo ‘ōiwi pono‘ī iho nō.

No kēlā a me kēia haumāna e komo ana i ka papahana M.A., he koina ka wali o kāna ‘ōlelo Hawai‘i a me kona ‘ike i ka mo‘omeheu ‘oiai ‘o ka piko ana ia o kāna mau hana ma ke kula a me ka papahana.

KE KA‘INA HANA NOI KOMO

‘O ka **lā mua o Pepeluuli** ka lā palena pau no ke noi komo ‘ana. Ma hope o ia lā, e ‘ae ‘ia nā noi lohi inā mau nō ka lawa o ka lumi.

E ho‘ouna ‘ia ka pepa noi komo a me nā palapala kākō‘o ‘ē a‘e a pau i ke Ke‘ena ‘Ae Komo o ke kulanui. Na ia ke‘ena e mālama a ho‘oholo i ke kūlana o ka mea noi. Inā ‘a‘ole hō‘ike ia ke‘ena i ka loa‘a mai o ke noi he 30 lā ma hope o ka ho‘ouna ‘ia aku, e ‘olu‘olu e kelepona i ka helu (808) 974-7414.

E pane‘e ‘ia aku ana nā noi e kū ana i nā koina a pau i ke Kōmike ‘Ae Komo o ke koleke ‘ōlelo Hawai‘i ‘o Ka Haka ‘Ula O Ke‘elikōlani. E ho‘ouna ‘ia aku nā mana‘o ho‘oholo o ke kōmike i ke Ke‘ena ‘Ae Komo nāna e hō‘ike aku i ka mea noi.

Ke Kūlana ‘Ae Komo

E komo ka mea noi i ke kau ho‘okahi wale nō i ‘ae ‘ia ai kona komo ‘ana. E kāpae ‘ia nā noi a nā haumāna kāino‘a ‘ole a ha‘alele paha i ke Kulanui me ka mālama pū ‘ia nō na‘e he ho‘okahi makahiki. E hiki i ka haumāna ke noi hou i ke komo i kekahi pū‘ulu hou aku ma ka hō‘ike ‘ana mai i ke Ke‘ena ‘Ae Komo a me ka uku pū ‘ana mai i ke kāki noi.

NĀ KOINA KOMO

1. He kēkelē laepua mai ke kulanui a me ka papahana i ‘āpono ‘ia, e la‘a me ke kālāi lāhui ‘ōiwi, ke kālāi mo‘omeheu lahui, ka ho‘ona‘auao, ka ‘ōlelo ‘ē (a me ka ‘ōlelo Pelekānia), a pēlā aku; he 3.0 a ‘oi ka ‘awelike kaha;
2. ‘Ekolu leka kākō‘o. He kālele kekahi o nā leka i ka ‘ike o ke kanaka i kāna ‘ōlelo a me ka mo‘omeheu Hawai‘i, a me kāna hana i loko o ke kaiaulu Hawai‘i;
3. He 30 ‘ai kulanui a me nā kaha a pau he “B” a ‘oi a me ka ‘awelike kaha he 3.5 a ‘oi i loko o ka ‘ōlelo Hawai‘i; a i ‘ole he huina pū o ka ‘ōlelo Hawai‘i a me ka ‘ōlelo ‘ē, ke kālāikanaka, a me ke kālāi‘ōlelo paha i ‘āpono ‘ia e ka papahana;

4. He 9 ‘ai kulanui a me nā kaha a pau he “B” a ‘oi a me ka ‘awelike kaha he 3.5 a ‘oi i loko o ka mo‘omeheu Hawai‘i; a i ‘ole he huina pū paha o ka mo‘omeheu Hawai‘i a me ka ho‘ona‘auao hulikanaka, kālaikanaka, a kālailaunakanaka paha i ‘āpono ‘ia e ka papahana;
5. Ua a‘o mua ma ke ‘ano he kumu i uku ‘ia, a i ‘ole, ua a‘o manawale‘a paha;
6. E nīnauele ‘ia e ko ke Komike ‘Ae Komo, he alo he alo a ma ke kelepona paha;
7. Kaha hō‘ike GRE;
8. Puka ma ka hō‘ike TOEFL me ka ‘āpono o ke Kulanui, a i ‘ole paha ia, ua wali mua ka ‘ōlelo Pelekānia a lawa kūpono; a
9. Puka ma ka Papahana Ho‘omākaukau Kumu ‘Ōiwi ‘o Kahuawaiola, a i ‘ole komo i ia Papahana ma ka wā like o ka M.A. (He koina pū ho‘i ka puka mua ‘ana ma ka hō‘ike ana mākaukau Haw 490 “Base-level Fluency for Hawaiian Medium Education” ke komo ma Kahuawaiola.)

KA LEKA NOI KOMO

E kākau i leka noi komo e pane ana i kēia mau nīnau:

1. *He aha kou nu‘ukia ho‘ona‘auao?*
2. *Pehea e kōkua ai kou ‘imi na‘auao ‘ana ma ia pae i ka ho‘ona‘auao ‘ōiwi?*
3. *‘Oiai ‘o ka noi‘i kekahi huapuka nui o ka papahana, he aha ke kumuhana a i ‘ole ka pō‘aiapili noi‘i āu e no‘ono‘o nei?*

KA HO‘OILI ‘AI KULANUI

‘A‘ole nō ‘āpono ‘ia nā noi ho‘oili ‘ai no ke komo ma kēia papahana nei i kēia manawa.

NĀ PAPA KAHUAWAIOLA KOI ‘IA

No ka ‘ikepili ‘ae komo, e kama‘ilio me:

Māhealani Jones
 UH Hilo Admissions Office
 200 West Kāwili Street
 Hilo, HI 96720-4091
 (808) 974-7414, (800) 897-4456
 amyj@hawaii.edu
www.uhh.hawaii.edu/studentaffairs/admissions/graduate.php

- | | | |
|---------|-----|---|
| KEd 620 | (3) | Paepae Ho‘ona‘auao no ke Kula Maui Ola |
| KEd 621 | (3) | Mākau ‘Ōlelo no ke Kula Maui Ola |
| KEd 622 | (2) | Makemakika me ka ‘Epekema no ke Kula Maui Ola |
| KEd 623 | (2) | Pilikanaka no ke Kula Maui Ola |
| KEd 624 | (3) | Pāheona, Pāpaho, a me ka Mākau Kino no ke Kula Maui Ola |
| KEd 642 | (3) | Seminā A‘oākumu I |
| KEd 644 | (3) | Seminā A‘oākumu II |

NĀ PAPA A‘OĀKUMU KAHUAWAIOLA

- | | |
|---------|-------------|
| KEd 641 | A‘oākumu I |
| KEd 643 | A‘oākumu II |

NĀ PAPA KĒKELĒ LAEO‘O KOI ‘IA

- | | | |
|---------|-----|--|
| KEd 630 | (3) | Ka‘akalai Noi‘i ma ka Ho‘ona‘auao ‘Ōlelo a Mo‘omeheu ‘Ōiwi |
| KEd 693 | (3) | Ka Hana Noi‘i ma ka Ho‘ona‘auao ‘Ōiwi |

He 6 hou ‘ai e koho ‘ia mai loko mai o nā papa o lalo nei:

- | | | |
|---------|-----|---|
| Haw 632 | (3) | Ke A‘o ‘Ōlelo Hawai‘i i nā Mānaleo ‘Ōlelo ‘Ē |
| KEd 660 | (3) | Ke Kālailai a me ka Hana Maoli i ka Ho‘ona‘auao ‘Ōiwi |
| KEd 661 | (3) | Haku Papa Ha‘awina Maui Ola Hawai‘i |
| KEd 662 | (3) | Ke Ola Pono ma loko o ka Ho‘ona‘auao |

No kekahi ‘ikepili hou aku, e kama‘ilio me:

Ku‘ulei Kapa‘a
 Ka Haka ‘Ula O Ke‘elikōlani College
 phone: (808) 974-7796
 fax: (808) 974-7797
 kuulei@leoki.uhh.hawaii.edu